

雜篇卷之

外物第

寓言第

讓王第

盜跖第

莊子南華經

南華

南華真經卷第七

會元 具區馮夢禎重校

雜篇外物第二十六

○外物不可必人多自苦
此皆俗見不知大道

外物不可必故龍逢誅比干戮箕子
狂惡來成桀紂亾人主莫不欲其臣
之忠而忠未必信故伍員流於江蓐

弘歿於蜀藏其血三年而化為碧人
親莫不欲其子之孝而孝未必愛故
孝已憂而曾參悲木與木相摩則然
金與火相守則流陰陽錯行則天地
大絃於是乎有雷有霆水中有火乃
焚大槐有甚憂兩陷而無所逃噍蜉
不得成心若懸於天地之間慰昏沈

絃音駭

噍音陳

蜉音浮

昏音昏

屯利害相摩生火甚多眾人焚和月
固不勝火於是乎有債然而道盡
莊周家貧故往貸粟於監河侯監河
侯曰諾我將得邑金將貸子三百金
可乎莊周忿然作色曰周昨來有中
道而呼者周顧視車轍中有鮒魚焉
周問之曰鮒魚來子何為者邪對曰

邪音耶
下同

我東海之波臣也君豈有斗升之水
而活我哉周曰諾我且南遊吳越之
王激西江之水而迎子可乎鮒魚忿
然作色曰吾失我常與我無所處吾
得斗升之水然活耳君乃言此曾不
如早索我於枯魚之肆

特音界

任公子為大鉤巨緇五十特以為餌

特音界

蹲乎會稽投竿東海旦旦而釣期年

不得魚已而大魚食之牽巨鉤鏽沒

而下驚揚而奮鬣白波若山海水震

蕩聲侔鬼神憚赫千里任公子得若

魚離而腊之自制河以東蒼梧以北

莫不厭若魚者已而後世輕才諷說

之徒皆驚焉而相告也夫揭竿累趨灌

制音浙

特音權

濱守鯢鮓其於得大魚難矣飾小說
以于縣今其於大遠亦遠矣是以未
嘗聞任氏之風俗其不可與經於世
亦遠矣

儒以詩禮發冢大儒臚傳曰東方作
矣事之何若小儒曰未解裾襦口中
有珠詩固有之曰青青之麥生於陵

陂音披

陂生不布施外何含珠為接其鬢摩

難音難

其顛儒以金椎控其顛徐別其顛無

類音結

傷口中珠

老萊子之弟子出薪遇仲尼反以告

趨音促
倮音縷

曰有人於彼修上而趨下末倮而後

耳視若營四海不知其誰氏之子老

萊子曰是丘也召而來仲尼至曰丘

去汝躬矜與汝容知斯爲君子矣仲
尼揖而退蹙然改容而問曰業可得
進乎老萊子曰夫不忍一世之傷而
驚萬世之患抑固窶邪亡其略弗及
邪惠以歡爲驚終身之醜中民之行
進焉耳相引以名相結以隱與其譽
堯而非桀不如兩忘而閉其所譽反

無非傷也動無非邪也聖人躊躇以
興事以每成功柰何哉其載焉終矜
爾

宋元君夜半而夢人被髮闕阿門曰
予自宰路之淵予爲清江使河伯之
所漁者余且得予元君覺使人占之
曰此神龜也君曰漁者有余且乎左

圓一作圖

右曰有君曰令予且會朝明日余且朝君曰漁何得對曰且之網得白龜焉其圓五尺君曰獻若之龜龜至君再欲殺之再欲活之心疑卜之曰殺龜以下吉乃剗龜七十二鑽而無遺爻仲尼曰神龜能見夢於元君而不能避余且之網知能七十二鑽而無

剗音枯

鵜音提
鵠音胡

遺筴不能避剗腸之患如是則知有所困神有所不及也雖有至知萬人謀之魚不畏網而畏鵜鵠去小知而大知明去善而自善矣嬰兒生無石師而能言與能言者處也
惠子謂莊子曰子言無用莊子曰知無用而始可與言用矣夫地非不廣

塾音店

且大也人之所用容足耳然則厠足而塾之致黃泉人尚有用乎惠子曰無用莊子曰然則無用之為用也亦明矣

莊子曰人有能遊且得不遊乎人而不能遊且得遊乎夫流道之志決絕之行噫其非至知厚德之任與覆墜

狝音喜

而不反火馳而不顧雖相與為君臣時也易世而無以相賤故曰至人不留行焉夫尊古而卑今學者之流也且以狝韋氏之流觀今之世夫孰能不波唯至人乃能遊於世而不僻順人而不失已彼教不學承意不彼目徹為明耳徹為聰鼻徹為顛口徹為

珍音

甘心徹為知知徹為德凡道不欲壅
壅則哽哽而不止則跖跖則眾害生
物之有知者恃息其不殷非天之罪
天之穿之日夜無降人則顧塞其實
胞有重闕心有天遊室無空虛則婦
姑勃磳心無天遊則六鑿相攘大林
丘山之善於人也亦神者不勝德溢

闕音

磳音

誑音

銚音

皆音

駮音

乎名名溢乎暴謀稽乎誑知出乎爭
柴生乎守官事果乎衆宜春兩日時
草木怒生銚鏹於是乎始修草木之
到植者過半而不知其然靜然可以
補病皆嫉可以休老寧可以止邊雖
然若是勞者之務也非佚者之所未
嘗過而問焉聖人之所以駮天下神

他音陀
跋音存

人未嘗過而問焉賢人所以駭世聖
人未嘗過而問焉君子所以駭國賢
人未嘗過而問焉小人所以合時君
子未嘗過而問焉演門有親成者以
善毀爵爲官師其黨人毀而死者半
堯與許由天下許由逃之湯與務光
務光怒之紀他聞之帥弟子而跋於

窾水諸侯乎之三年申徒狄因以跽
河筌者所以在魚得魚而忘筌蹄者
所以在兔得兔而忘蹄言者所以在
意得意而忘言吾安得夫忘言之人
而與之言哉

雜篇寓言第二十七

此莊子自敘其作書之旨
末以老子為宗畧取揚榘

寓言十九重言十七卮言日出和以
天倪寓言十九藉外論之親父不為
其子媒親父譽之不若非其父者也
非吾罪也人之罪也與已同則應不
與已同則反同於已為是之異於已

爲非之重言十七所以已言也是爲
耆艾年先矣而無經緯本末以期年
耆者是非先也人而無以先人無人
道也人而無人道是之謂陳人卮言
日出和以天倪因以曼衍所以窮年
不言則齊齊與言不齊言與齊不齊
也故曰無言言無言終身言未嘗言

曼音萬

終身不言未嘗不言有自也而可有
自也而不可有自也而然有自也而
不然惡乎然然於然惡乎不然不然
於不然惡乎可可於可惡乎不可不
可於不可物固有所然物固有所可
無物不然無物不可非卮言日出和
以天倪孰得其乂萬物皆種也以不

同形相禪始卒若環莫得其倫是謂
天均天均者天倪也

莊子謂惠子曰孔子行年六十而六
十化始時所是卒而非之未知今之
所謂是之非五十九非也惠子曰孔
子勤志服知也莊子曰孔子謝之矣
而其未之嘗言孔子云夫受才乎大

華言曰悟

本復靈以生鳴而當律言而當法利
義陳乎前而好惡是非直服人之口
而已矣使人乃以心服而不敢壘立
定天下之定已乎已乎吾且不得及
彼乎

曾子再仕而心再化曰吾及親仕三
釜而心樂後仕三千鍾不洎吾心悲

弟子問於仲尼曰若參者可謂無所
縣其罪乎曰既已縣矣夫無所縣者
可以無哀乎彼視三釜三千鍾如鶴
雀蚊虻相過乎前也

顏成子游謂東郭子綦曰自吾聞子
之言一年而野二年而從三年而通
四年而物五年而來六年而鬼入七

年而天成八年而不知死不知生九
年而大妙生有爲死也勸公以其死
也有自也而生陽也無自也而果然
乎惡乎其所適惡乎其所不適天有
曆數地有人據吾惡乎求之莫知其
所終若之何其無命也莫知其所始
若之何其有命也有以相應也若之

何其無鬼邪無以相應也若之何其有鬼邪

景音景

衆固兩問於景曰若向也俯而今也

仰向也括而今也被髮向也坐而今

叟叟一作夜相

也起向也行而今也止何也景曰叟

叟也奚稍問也予有而不知其所以

蝟音條 蝟音日

予蝟甲也蛇蛻也似之而非也火與

日吾屯也陰與夜吾代也彼吾所以

有待邪而况乎以有待者乎彼來則

我與之來彼往則我與之往彼強陽

則我與之強陽強陽者又何以有問

乎

陽子居南之沛老聃西遊於秦邀於

郊至於梁而遇老子老子中道仰天

而歎曰始以汝為可教今不可也陽

子居不答至舍進盥漱巾櫛脫履戶

外膝行而前曰向者弟子欲請夫子

夫子行不間是以不敢今間矣請問

其故老子曰而睢睢盱盱而誰與居

大白若辱盛德若不足陽子蹙然變

容曰敬聞命矣其往也舍者迎將其

盥音管
漱音漱

間音間

睢音崔
盱音吁

家公執席妻執巾櫛舍者避席煬者
避竈其反也舍者與之爭席矣

雜篇讓王第二十八

○東坡謂讓王以下四篇非莊子所作蓋其技葉太粗恐爲人所竄易

堯以天下讓許由許由不受又讓於子州支父子州支父曰以我爲天子猶之可也雖然我適有幽憂之病方且治之未暇治天下也夫天下至重也而不以害其生又况他物乎唯無

以天下爲者可以託天下也舜讓天
下於子州支伯曰予適有幽憂之病
方且治之未暇治天下也故天下大
器也而不以易生此有道者之所以
異乎俗者也舜以天下讓善卷善卷
曰余立於宇宙之中冬日衣皮毛夏
日衣葛絺春耕種形足以勞動秋收

歛身足以休食日出而作日入而息
逍遙於天地之間而心意自得吾何
以天下爲哉悲夫子之不知予也遂
不受於是去而入溪山莫知其處舜
以天下讓其友石戶之農石戶之農
曰捲捲乎后之爲人葆力之士也以
舜之德爲未至也於是夫負妻戴攜

大音泰
下同

父音甫

子以入於海終身不反也大王亶父
居邠狄人攻之事之以皮帛而不受
事之以犬馬而不受事之以珠玉而
不受狄人之所求者土地也大王亶
父曰與人之兄居而殺其弟與人之
父居而殺其子吾不忍也子皆勉居
矣爲吾臣與爲狄人臣奚以異且吾

大音權

聞之不以所用養害所養因杖策而
去之民相連而從之遂成國於岐山
之下夫大王亶父可謂能尊生矣能
尊生者雖貴富不以養傷身雖貧賤
不以利累形今世之人居高官尊爵
者皆重失之見利輕亡其身豈不惑
哉越人三世弑其君王子搜患之逃

乎丹穴而越國無君求王子搜不得
從之丹穴王子搜不肯出越人薰之
以艾乘以王與王子搜援綏登車仰
天而呼曰君乎君乎獨不可以舍我
乎王子搜非惡爲君也惡爲君之患
也若王子搜者可謂不以國傷生矣
此固越人之所欲得爲君也韓魏相

攬音却

與爭侵地子華子見昭僖侯昭僖侯
有憂色子華子曰今使天下書銘於
君之前書之言曰左手攬之則右手
廢右手攬之則左手廢然而攬之者
必有天下君能攬之乎昭僖侯曰寡
人不攬也子華子曰甚善自是觀之
兩臂重於天下也身亦重於兩臂韓

之輕於天下亦遠矣今之所爭者其
輕於韓又遠君固愁身傷生以憂戚
不得也僖侯曰善哉教寡人者衆矣
未嘗得聞此言也子華子可謂知輕
重矣魯君聞顏闔得道之人也使人
以幣先焉顏闔守陋閭苴布之衣而
自飯牛魯君之使者至顏闔自對之

苴音租

還音旋

使者曰此顏闔之家與顏闔對曰此
闔之家也使者致幣顏闔對曰恐聽
者謬而遺使者罪不若審之使者還
反審之復來求之則不得已故若顏
闔者真惡富貴也故曰道之真以治
身其緒餘以爲國家其土苴以治天
下由此觀之帝王之功聖人之餘事

也非所以完身養生也今世俗之君子多危身棄生以殉物豈不悲哉凡聖人之動作也必察其所以之與其所以爲今且有人於此以隋侯之珠彈千仞之雀世必笑之是何也則其所用者重而所要者輕也夫生者豈特隋侯之重哉

子列子窮容貌有饑色客有言之於鄭子陽者曰列御寇蓋有好之士也居君之國而窮君無乃爲不好士乎鄭子陽卽令官遺之粟子列子見使者再拜而辭使者去子列子入其妻望之而拊心曰妾聞爲有道者之妻子皆得佚樂今有饑色君過而遺先

拊音抚

生食先生不受豈不命邪子列子笑
謂之曰君非自知我也以人之言而
遺我粟至其罪我也又且以人之言
此吾所以不受也其卒民果作難而
殺子陽

楚昭王失國屠羊說從而從於昭王
昭王反國將賞從者及屠羊說屠羊

說音悅
下同

說曰大王失國說失屠羊大王反國
說亦反屠羊臣之爵祿已復矣又何
賞之有王曰強之屠羊說曰大王失
國非臣之罪故不敢伏其誅大王反
國非臣之功故不敢當其賞王曰見
之屠羊說曰楚國之法必有重賞大
功而後得見今臣之知不足以存國

而勇不足以死寇吳軍入郢說畏難
而避寇非故隨大王也今大王欲廢
法毀約而見說此非臣之所以聞天
下也王謂司馬子綦曰屠羊說居處
卑賤而陳義甚高子綦爲我延之以
三旌之位屠羊說曰夫三旌之位吾
知其貴於屠羊之肆也萬鍾之祿吾

知其富於屠羊之利也然豈可以貪
爵祿而使吾君有妄施之名乎說不
敢當願復反吾屠羊之肆遂不受也
原憲居魯環堵之室茨以生草蓬戶
不完桑以爲樞而甕牖二室褐以爲
塞上漏下濕匡坐而弦子貢乘大馬
中紺而表素軒車不容巷往見原憲

紺音甘
去声

繼音洗

原憲華冠緹履杖藜而應門子貢曰
嘻先生何病原憲應之曰憲聞之無
財謂之貧學而不能行謂之病今憲
貧也非病也子貢逡巡而有愧色原
憲笑曰夫希世而行比周而友學以
爲人教以爲己仁義之厲輿馬之飾
憲不忍爲也會子居衛緼袍無表顏

一本衣
下有正
字

色腫噲手足胼胝三日不舉火十年
不製衣冠而纓絕捉衿而肘見納履
而踵決曳緹而歌商頌聲滿天地若
出金石天子不得臣諸侯不得友故
養志者忘形養形者忘利致道者忘
心矣孔子謂顏回曰回來家貧居卑
胡不仕乎顏回對曰不願仕回有郭

外之田五十畝足以給飢粥郭內之
田十畝足以爲絲麻鼓琴足以自娛
所學夫子之道者足以自樂也回不
願仕孔子愀然變容曰善哉回之意
丘聞之知足者不以利自累也審自
得者失之而不懼行修於內者無位
而不怍丘誦之久矣今於回而後見

之是丘之得也

中山公子牟謂瞻子曰身在江海之
上心居魏闕之下柰何瞻子曰重生
重生則利輕中山公子牟曰雖知之
未能勝也瞻子曰不能自勝則從神
無惡乎不能自勝而強不從者此之
謂重傷重傷之人無壽類矣魏牟萬

乘之公子也其隱岩穴也難為於布衣之士雖未至乎道可謂有其意矣孔子窮於陳蔡之間七日不火食藜藿不糝顏色甚憊而弦歌於室顏回擇菜子路子貢相與言曰夫子再逐於魯削迹於衛伐樹於宋窮於商周圍於陳蔡殺夫子者無罪籍夫子者

憊音敗

無禁弦歌鼓琴未嘗絕音君子之無耻也若此乎顏回無以應入告孔子孔子推琴喟然而嘆曰由與賜細人也召而來吾語之子路子貢入子路曰如此者可謂窮矣孔子曰是何言也君子通於道之謂通窮於道之謂窮今丘抱仁義之道以遭亂世之患

隘音阨

其何窮之為故內省而不窮於道臨
 難而不失其德天寒既至霜雪既降
 吾是以知松柏之茂也陳蔡之隘於
 丘其幸乎孔子削然反琴而弦歌子
 路屹然執干而舞子貢曰吾不知天
 之高也地之下也古之得道者窮亦
 樂通亦樂所樂非窮通也道德於此

屹音訖

則窮通為寒暑風雨之序矣故許由
 娛於潁陽而共伯得乎丘首

令音零

舜以天下讓其友北人無擇北人無
 擇曰異哉后之為人也居於猷畝之
 中而遊堯之門不若是而已又欲以
 其辱行漫我吾羞見之因自投清冷
 之淵湯將伐桀因卜隨而謀卜隨曰

非吾事也湯曰孰可曰吾不知也湯
又因瞽光而謀瞽光曰非吾事也湯
曰孰可曰吾不知也湯曰伊尹何如
曰強力忍垢吾不知其他也湯遂與
伊尹謀伐桀克之以讓卞隨卞隨辭
曰后之伐桀也謀乎我必以我為賊
也勝桀而讓我也必以我為貪也吾生

瞽音務

教音朔
桐音同

乎亂世而無道之人再來漫我以其
辱行吾不忍數聞也乃自投桐水而
死湯又讓瞽光曰知者謀之武者遂
之仁者居之古之道也吾子胡不立
乎瞽光辭曰廢上非義也殺民非仁
也人犯其難我享其利非廉也吾聞
之曰非其義者不受其祿無道之世

不踐其土况尊我乎吾不恣久見也
乃負石而自沉於廬水昔周之興有
士二人處於孤竹曰伯夷叔齊二人
相謂曰吾聞西方有人似有道者試
往觀焉至於岐陽武王聞之使叔旦
往見之與之盟曰加富二等就官一
列血牲而埋之二人相視而笑曰嘻

異哉此非吾所謂道也昔者神農之
有天下也時祀盡敬而不祈喜其於
人也忠信盡治而無求焉樂與政為
政樂與治為治不以人之壞自成也
不以人之卑自高也不以遭時自利
也今周見殷之亂而遽為政上謀而
下行貨阻兵而保威割牲而盟以為

信揚行以說衆殺伐以要利是推亂
以易暴也吾聞古之士遭治世不避
其任遇亂世不爲苟存今天下闇周
德衰其並乎周以塗吾身也不如避
之以絜吾行二子北至於首陽之山
遂餓而死焉若伯夷叔齊者其於富
貴也苟可得已則必不賴高節矣行

獨樂其志不事於世此二士之節也

雜篇盜跖第二十九

孔子與柳下季為友柳下季之弟名
曰盜跖盜跖從卒九千人橫行天下
侵暴諸侯穴室樞戶驅人牛馬取人
婦女貪得忘親不顧父母兄弟不祭
先祖所過之邑大國守城小國入保
萬民苦之孔子謂柳下季曰夫為人

父者必能詔其子爲人兄者必能教其弟若父不能詔其子兄不能教其弟則無貴父子兄弟之親矣今先生世之才士也弟爲盜跖爲天下害而弗能教也丘竊爲先生羞之丘請爲先生往說之柳下季曰先生言爲人父者必能詔其子爲人兄者必能教

說音稅

其弟若子不聽父之詔弟不受兄之教雖今先生之辯將奈之何哉且跖之爲人也心如涌泉意如飄風強足以拒敵辯足以飾非順其心則喜逆其心則怒易辱人以言先生必無往孔子不聽顏回爲馭子貢爲右往見盜跖盜跖乃方休卒徒太山之陽膾

人肝而饋之孔子下車而前見謁者
曰魯人孔丘聞將軍高義敬再拜謁
者謁者入通盜跖聞之大怒目如明
星髮上指冠曰此夫魯國之巧僞人
孔丘非邪爲我告之爾作言造語妄
稱文武冠枝木之冠帶豕牛之脅多
詞謬說不耕而食不織而衣搖唇鼓

舌擅生是非以迷天下之主使天下
學士不反其本妄作孝悌而徼倖於
封侯富貴者也子之罪大極重疾走
歸不然我將以子肝益晝饋之膳孔
子復通曰丘得幸於季願望履幕下
謁者復通盜跖曰使來前孔子趨而
進避席反走再拜盜跖盜跖大怒兩

展其足案劔瞋目聲如乳虎曰丘來
前若所言順吾意則生逆吾心則死
孔子曰丘聞之凡天下有三德生而
長大美好無雙少長貴賤見而皆說
之此上德也知維天地能辯諸物此
中德也勇悍果敢聚衆率兵此下德
也凡人有此一德者足以南面稱孤

矣今將軍兼此三者身長八尺二寸
面目有光唇如激丹齒如齊貝音中
黃鍾而名曰盜跖丘竊爲將軍耻不
取焉將軍有意聽臣臣請南使吳越
北使齊魯東使宋衛西使晉楚使爲
將軍造大城數百里立數十萬戶之
邑尊將軍爲諸侯與天下更始罷兵

休卒收養昆弟共祭先祖此聖人才
士之行而天下之願也盜跖大怒曰
丘來前夫可規以利而可諫以言者
皆愚陋恒民之謂耳今長大美好人
見而說之者此吾父母之遺德也丘
雖不吾譽吾獨不自知邪且吾聞之
好面譽人者亦好背而毀之今丘告

我以大城衆民是欲規我以利而恒
民畜我也安可長久也城之大者莫
大乎天下也堯舜有天下子孫無置
錘之地湯武立爲天子而後世絕滅
非以其利大故邪且吾聞之古者禽
獸多而人民少於是民皆巢居以避
之晝拾橡栗暮栖木上故命之曰有

橡音叟

煬音樣

巢氏之民古者民不知衣服夏多積
薪冬則煬之故命之曰知生之民神
農之世臥則居居起則于于民知其
母不知其父與麋鹿共處耕而食織
而衣無有相害之心此至德之隆也
然而黃帝不能致德與蚩尤戰於涿
鹿之野流血百里堯舜作立群臣湯

殺音紂
下同

放其主武王殺紂自是之後以強凌
弱以衆暴寡湯武以來皆亂人之徒
也今子修文武之道掌天下之辯以
教後世縫衣淺帶矯言僞行以迷惑
天下之主而欲求富貴焉盜莫大於
子天下何故不謂子為盜丘而乃謂
我為盜跖子以耳辭說子路而使從

說音稅

之使子路去其危冠解其長劍而受
教於子天下皆曰孔丘能止暴禁非
其卒之也子路欲殺衛君而事不成
菹於衛東門之上是子教之不至也
子自謂才士聖人邪則再逐於魯削
迹於衛窮於齊圍於陳蔡不容身於
天下子教子路菹此患上無以為身

菹音組

下無以為人子之道豈是貴邪世之
所高莫若黃帝黃帝尚不能全德而
戰涿鹿之野流血百里堯不慈愛不
孝禹備枯湯放其主武王伐紂文王
拘姜里此六子者世之所高也熟論
之皆以利惑其真而強反其情性其
行乃甚可羞也世之所謂賢士伯夷

叔齊辭孤竹之君而餓死於首陽之
山骨肉不葬鮑焦飾行非世抱木而
死申徒狄諫而不聽負石自投於河
為魚鼈所食介子推至忠也自割其
股以食文公文公後背之子推怒而
去抱木而燔死尾生與女子期於梁
下女子不來水至不去抱梁柱而死

磔音翟

此四者無異於磔犬流豕操瓢而乞
者皆離名輕死不念本養壽命者也
世之所謂忠臣者莫若王子比干伍
子胥子胥沈江比干剖心此二子者
世謂忠臣也然卒為天下笑自上觀
之至於子胥比干皆不足貴也丘之
所以說我者若告我以鬼事則我不

說音稅

能知也若告我以人事者不過此矣
皆吾所聞知也今吾告子以人之情
目欲視色耳欲聽聲口欲察味志氣
欲盈人上壽百歲中壽八十下壽六
十除病瘦必喪憂患其中開口而笑
者一月之中不過四五日而已矣天
與地無窮人死者有時操有時之具

而託於無窮之間忽然無異騏驥之
馳過隙也不能說其志意養其壽命
者皆非通道者也丘之所言皆吾之
所棄也亟去亟歸無復言之子之道
狂狂汲汲詐巧虛偽事也非可以全
真也奚足論哉孔子再拜趨去出門
上車執轡三失目芒然無見色若死

灰據軾低頭不能出氣歸到魯東門
外適遇柳下季柳下季曰今者闕然
數日不見車馬有行色得微往見耶
邪孔子仰天而歎曰然柳下季曰跖
得無逆汝意若前乎孔子曰然丘所
謂無病而自歎也疾走料虎頭扁虎
須幾不免虎口哉

子張問於滿苟得曰盍不爲行無行
則不信不信則不任不任則不利故
觀之名計之利而義真是也若棄名
利反之於心則夫士之爲行不可一
日不爲乎滿苟得曰無耻者富多信
者顯夫名利之大者幾在無耻而信
故觀之名計之利而信真是也若棄

名利反之於心則夫士之為行抱其
天乎子張曰昔者桀紂貴為天子富
有天下今謂滅聚曰汝行如桀紂則
有佻色有不服之心者小人所賤也
仲尼墨翟窮為匹夫今謂宰相曰子
行如仲尼墨翟則變容易色稱不足
者士誠貴也故勢為天子未必貴也

窮為匹夫未必賤也貴賤之分在行
之美惡滿苟得曰小盜者拘大盜者
為諸侯諸侯之門義士存焉昔者桓
公小白殺兄入嫂而管仲為臣田成
子常殺君竊國而孔子受幣論則賤
之行則下之則是言行之情倜戰胸
中也不亦拂乎故書曰孰惡孰美成

者為首不成者為尾子張曰子不為
行即將疏戚無倫貴賤無義長幼無
序五紀六位將何以為別乎蒲苟得
曰堯殺長子舜流母弟疏戚有倫乎
湯放桀武王伐紂貴賤有義乎王季
為適周公殺兄長幼有序乎儒者偽
辭墨者兼愛五紀六位將有別乎且

適音的

監一作
鑑

卦音夫

子正為名我正為利名利之實不順
於理不監於道吾日與子訟於無約
曰小人殉財君子殉名其所以變其
情易其性則異矣乃至於棄其所為
而殉其所不為則一也故曰無為小
人反殉而天無為君子從天之理若
枉若直相為天極面觀四方與時消

扶音夾

息若是若非執而圓機獨成而意與
道徘徊無轉而行無成而義將失而
所為無赴而富無殉而成將棄而天
比于剖心子胥抉眼忠之禍也直躬
證父尾生溺死信之患也鮑子立乾
申子不自理廉之害也孔子不見母
匡子不見父義之失也此上世之所

離音罹

傳下世之所語以為士者正其言必
其行故服其殃離其患也
無足問於知和曰人卒未有不興名
就利者彼富則人歸之歸則下之下
則貴之夫見下貴者所以長生安體
樂意之道也今子獨無意焉知不足
邪意知而力不能行邪故為推正不

忘邪知和曰今夫此人以為與已同
時而生同鄉而處者以為夫絕俗過
世之士焉是專無主正所以覽古今
之時是非之分也與俗化世去至重
棄至尊以為其所為也此其所以論
長生安體樂意之道不亦遠乎慘怛
之疾恬愉之安不監於體怵惕之恐

忻懼之喜不監於心知為為而不知
所以為是以貴為天子富有天下而
不免於患也無足曰夫富之於人無
所不利窮美究勢至人之所不得逮
聖人之所不能及挾人之勇力而以
為威強秉人之知謀以為明察因人
之德以為賢良非享國而嚴若君父

且夫聲色滋味權勢之於人心不待
學而樂之體不待象而安之夫欲惡
避就固不待師此人之性也天下雖
非我孰能辭之知和曰知者之爲故
動以百姓不違其度是以足而不爭
無以爲故不求不足故求之爭四處
而不自以爲貪有餘故辭之棄天下

而不自以爲廉廉貪之實非以迫外
也反監之度勢爲天子而不以貴驕
人富有天下而不以財戲人計其患
慮其反以爲害於性故辭而不受也
非以要名譽也堯舜爲帝而雍非仁
天下也不以美害生也善卷許由得
帝而不受非虛辭讓也不以事害已

噫見造
二音

也此皆就其利辭其害而天下稱賢
焉則可以有之彼非以興名譽也無
足曰必持其名苦體絕甘約養以持
生則亦久病長阨而不死者也知和
曰平為福有餘為害者物莫不然而
財其甚者也今富人耳管鍾鼓管簫
之聲口噤於芻豢醪醴之味以感其

佞音駭
馮音憤
下同

意遺忘其業可謂亂矣佞溺於馮氣
若負重行而上也可謂苦矣貪財而
取慰貪權而取竭靜居則溺體澤則
馮可謂疾矣為欲富就利故滿若堵
耳而不知避且馮而不舍可謂辱矣
財積而無用服膺而不舍滿心戚醜
求益而不止可謂憂矣內則疑劫請

劫音劫

之賊外則畏寇盜之害內周樓疎外
不敢獨行可謂畏矣此六者天下之
至害也皆遺忘而不知察及其患至
求盡性竭財單以反一日之無故而
不可得也故觀之名則不見求之利
則不得繚意絕體而爭此不亦惑乎

繚音了

南華真經卷第七終

程